



Привремена заједничка комисија оба дома Парламентарне скупштине БиХ за спровођење процедуре за именовање два представника академске заједнице и једног представника невладиног сектора у Комисију за избор и праћење рада Агенције за превенцију корупције и координацију борбе против корупције

Privremena zajednička komisija oba doma Parlamentarne skupštine BiH za provođenja procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije

Privremeno zajedničko povjerenstvo obaju domova Parlamentarne skupštine BiH za provođenje procedure imenovanja dva predstavnika akademske zajednice i jednog predstavnika nevladinog sektora u Povjerenstvo za izbor i praćenje rada Agencije za prevenciju korupcije i koordinaciju borbe protiv korupcije

Број: 01,02-50-16-2043-2,5/20
Сарајево, 29.10.2020. год.

Na osnovu članova 17., 17a. i 17b. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09, 58/13), člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", broj 37/03) i Odluke o raspisivanju Javnog konkursa za provođenje procedure za imenovanje tri člana u Komisiju za izbor i praćenje rada Agencije za prevenciju korupcije i koordinaciju borbe protiv korupcije - dva predstavnika akademske zajednice i jednog predstavnika nevladinog sektora, Broj:01,02-50-16-2043-2,4/20 od 29.10.2020. godine, Privremena zajednička komisija oba doma Parlamentarne Skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije **r a s p i s u j e**

JAVNI KONKURS

ZA PROVOĐENJE PROCEDURE ZA IMENOVANJE TRI ČLANA U KOMISIJU ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE - DVA PREDSTAVNIKA AKADEMSKE ZAJEDNICE I JEDNOG PREDSTAVNIKA NEVLADINOG SEKTORA

I. Javni konkurs raspisuje se za izbor **tri (3) člana** u Komisiju za izbor i praćenje rada Agencije za prevenciju korupcije i koordinaciju borbe protiv korupcije i to:

- predstavnik akademske zajednice – dva (2) izvršioca,
- predstavnik nevladinog sektora – jedan (1) izvršilac.

II. Mandat:

Mandat predstavnika akademske zajednice i nevladinog sektora traje četiri (4) godine od dana imenovanja u Parlamentarnoj skupštini Bosne i Hercegovine.

III. Status:

Članovi Komisije za izbor i praćenje rada Agencije za prevenciju korupcije i koordinaciju borbe protiv korupcije imaju prava i obaveze proistekle iz Ustava Bosne i Hercegovine, zakona i podzakonskih akata, a neće imati radnopravni status. Sredstva za rad i naknade za rad osiguravaju se u budžetu Parlamentarne skupštine Bosne i Hercegovine a visinu utvrđuje Zajednička komisija za administrativne poslove Parlamentarne skupštine Bosne i Hercegovine.

IV. Nadležnosti Komisije za izbor i praćenje rada Agencije za prevenciju korupcije i koordinaciju borbe protiv korupcije:

Prati rad Agencije za prevenciju korupcije i koordinaciju borbe protiv korupcije (dalje u tekstu - Agencije); pokreće postupak imenovanja direktora i zamjenika direktora Agencije u skladu sa Zakonom o Agenciji za prevenciju korupcije i koordinaciju borbe protiv korupcije ; pokreće postupak razrješenja direktora i zamjenika direktora Agencije u skladu s članom 15. Zakona o Agenciji za prevenciju korupcije i koordinaciju borbe protiv korupcije; razmatra izvještaje o radu Agencije najmanje dva puta godišnje ili po potrebi; razmatra izvještaje o reviziji finansijskog poslovanja Agencije; jedanput godišnje dostavlja Parlamentarnoj skupštini Bosne i Hercegovine izvještaj o svom radu.

V. Uslovi:

Kandidati, predstavnici akademske zajednice i predstavnik nevladinog sektora, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, te u skladu s odredbama Poslovnika o radu Privremene zajedničke komisije oba doma Parlamentarne Skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije, trebaju ispunjavati opće i posebne uslove.

Opći uslovi:

- 1) da je stariji od 18 godina;
- 2) da je državljanin Bosne i Hercegovine;
- 3) da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- 4) da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini;
- 5) da nije obuhvaćen odredbom člana IX. stav 1. Ustava Bosne i Hercegovine.

Posebni uslovi:

Za predstavnika akademske zajednice:

- 1) visoka stručna sprema;
- 2) akademsko naučno-nastavno zvanje redovni profesor, vanredni profesor, docent;
- 3) Broj izvršilaca: **dva (2)**

Za predstavnika nevladinog sektora:

- 1) visoka stručna sprema – VII stepen, najmanje 240 ECTS po Bolonjskom procesu školovanja;
- 2) iskustvo u relevantnoj oblasti koja je predmet Zakona.
- 3) Broj izvršilaca: **jedan (1)**

***Potrebno je navesti u prijavi na koju poziciju, ili pozicije, se kandidat prijavljuje.**

VI. Ograničenja za imenovanje-sukob interesa:

Izabrani zvaničnici, nosioci izvršnih dužnosti, savjetnici i/ili drugi zvaničnici s javnim ovlaštenjima, koji imaju privatni interes, koji utiču ili mogu uticati na zakonitost, transparentnost, objektivnost i nepristrasnost u obavljanju javnih dužnosti, odnosno u kojima privatni interes šteti ili može štetiti javnom interesu su u sukobu interesa (član 3. Zakona o Agenciji za prevenciju korupcije i koordinaciju borbe protiv korupcije).

VII. Potrebni dokumenti:

Uz prijavu na javni konkurs kandidat je dužan priložiti:

- 1) svojeručno potpisanu biografiju (CV) sa izjavom o nacionalnom opredjeljenju, adresom i kontakt telefonom;
- 2) ovjerene kopije rješenja/odluka o izborima u nastavnička zvanja, i/ili univerzitetske diplome stečene u Bosni i Hercegovini bilo kada ili u republikama bivše Jugoslavije zaključno sa 6. 4. 1992. god., odnosno univerzitetske diplome sa rješenjem o nostrifikaciji diploma ukoliko su stečene u republikama bivše Jugoslavije poslije 6.4.1992. god. ili u drugim zemljama bilo kada da su diplome stečene, a kandidati koji su visoko obrazovanje stekli po Bolonjskom procesu uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma;
- 3) uvjerenje o državljanstvu Bosne i Hercegovine, ne starije od šest mjeseci;
- 4) potvrda ili uvjerenje o iskustvu u oblasti borbe protiv korupcije (za kandidata nevladinog sektora);
- 5) svojeručno potpisanu izjavu da nije obuhvaćen odredbom člana IX. stav 1. Ustava Bosne i Hercegovine (ovjerenu od nadležnog organa).

***Napomena za kandidate:** Po završetku procedure imenovanja, kandidati koji budu imenovani na navedene pozicije, treba da dostave **uvjerenje** kao dokaz da protiv njih nije pokrenut krivični postupak za krivično djelo za koje je predviđena kazna zatvora tri i više godina, izdato od nadležnog suda (ne starije od tri mjeseca) i **uvjerenje** kao dokaz da im nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini, izdato od nadležnog policijskog organa (ne starije od tri mjeseca); *Dokumenti se dostavljaju u originalu ili ovjerenoj kopiji. Dokumenti priloženi uz prijavu na javni konkurs neće biti vraćeni kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

VIII. Zabrana diskriminacije:

Nijedna prijava ne može biti izuzeta iz razmatranja isključivo po osnovi kandidatova spola, rase, boje kože, jezika, vjeroispovijesti, političkog ili drugog mišljenja, nacionalnog i

socijalnog porijekla, veze s nekom nacionalnom manjinom, imovinskog statusa, rođenja ili drugog statusa.

IX. Postupak:

- Privremena zajednička komisija će provesti postupak u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine;
- Nakon provedenog Javnog konkursa, kandidati koji budu ispunjavali uslove Javnog konkursa bit će pozvani na intervju. O vremenu i mjestu će biti blagovremeno obaviješteni. Cilj intervjua je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata;
- U skladu sa članom 17b. Zakona o Agenciji za prevenciju korupcije i koordinaciju borbe protiv korupcije Privremena zajednička komisija će, nakon intervjua, prijedlog rang-listi dostaviti Predstavničkom domu i Domu naroda Parlamentarne skupštine Bosne i Hercegovine radi imenovanja.

***Dodatna napomena:** Lica koja budu imenovana na navedenu dužnost podliježu postupku sigurnosne provjere u skladu sa članom 3. stav (1) tačka c) Odluke o listi dužnosti koje obavljaju imenovana lica za koja je potrebno provesti sigurnosnu provjeru, Broj: 01,02-05-4-1459/15 od 29.12.2015. a na osnovu člana 35.stav (2) Zakona o zaštiti tajnih podataka („Službeni glasnik BiH“, br. 54/05 i 12/09).

X. Način i rok podnošenja prijava:

- Javni konkurs objavljuje se u "Službeni glasnik BiH", "Službeni glasnik Brčko distrikta BiH" i na veb-stranici Parlamentarne skupštine Bosne i Hercegovine www.parlament.ba (Sekretarijat/Oglasi/Konkursi/Interno/), te obavještenje o javnom konkursu u dnevnim listovima „Dnevni avaz“, „Večernji list“ i „Glas Srpske“.
- Javni konkurs ostaje otvoren 15 dana od dana objavljivanja u „Službeni glasnik BiH“.
- Prijave sa traženim dokumentima dostaviti poštom preporučeno, uz upozorenje „**ne otvarati**“, na adresu:

Parlamentarna skupština Bosne i Hercegovine

Privremena zajednička komisija oba doma Parlamentarne skupštine BiH za provođenje procedure za imenovanje dva predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije

"JAVNI KONKURS za provođenje procedure za imenovanje tri člana u Komisiju za izbor i praćenje rada Agencije za prevenciju korupcije i koordinaciju borbe protiv korupcije - dva predstavnika akademske zajednice i jednog predstavnika nevladinog sektora"

71 000 Sarajevo, Trg BiH br. 1

***Napomena za sve kandidate:**

Nepotpune, neblagovremene i neuredne prijave, prijave kandidata koji ne ispunjavaju uslove ovog konkursa, kao i kopije traženih dokumenata koje nisu ovjerene od nadležnog organa, neće biti razmatrane.